



UNIVERSITÄTS-
BIBLIOTHEK
PADERBORN

**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Feria Tertia Paschae. Evangelivm Lvcae XXIII.

[urn:nbn:de:hbz:466:1-69317](https://nbn-resolving.org/urn:nbn:de:hbz:466:1-69317)

EVANGELIA

*Ast illi incipiunt rursus narrare diei
Præteritæ casum, Dominus quo uisus est ipsis,
Viq; illum agnorint fractura panis: at ille
Fugerit aërias subito dilapsus in auras.
Talibus auiditis animi spes maior inhaesit
Omnibus, et letam pertentant gaudia mentem.*

FERIA TERTIA PASCHÆ.

EVANGELIUM LVCAE XXIIII

ARGVMENTVM.

*Christus adest socijs, iterũ sua corpora monstrans
Insuper ex asso fercula pisce capit.*



Talia Discipuli dum leta uoce loquuntur,
Constitit in medio Christus pacẽq; precatur.
Obstupere animi subito terrore pauentes,
Et se non Dominum sed spectra uidere putabant.
Protinus incertos sic est offatus iesus:

PeFlor

DOMINICALIA.

Pectora quid uano turbantur uestra pauore?
Falsaq; delusas cur uexat opinio mentes?
Aspicite en lato transfixas uulnere palmas
Et que clauorum retinent uestigia plantas:
Nec dubitate magis, sed me cognoscite uero
Corpore, quo passusq; fui, uitamq; recepi.
At mea si nondum uobis presentia constat,
Tangite me digitis, & lumine cernite certo:
Hic ego sum uerè, nec uos phantasmata ludunt.
Spiritus haud carnem, uestitaq; carnibus ossa
Obtinet, hic coram me sicut habere uidetis.
Ista manus dicens cœpit monstrare pedesq;
Et contrectandos in corpore præbuit artus.
Quamlibet, at cernunt oculis, tanguntq; lacertis
Discipuli Dominum, capiunt uocemq; loquentis:
Attamen incerti dubitant, sic gaudia mentes
Spemq; metumq; inter dubias hinc inde trahebat.
Omnia mirantur, nequeunt explere tuendo
Lumina, uel certo moniti consistere sensu.
Tunc malè credentes iterum compellat Iesus,
Reliquias mensarum aliquas hic nunquid habetis?
Ipse quibus sedare famem & me pascere possim,
Ne modo uiuentem, quoq; sed spectetis edentem.
Protinus assato partem de pisce ferentes

Apponunt

EVANGELIA

Apponunt Domino, mellisq; liquentia dona.
 Accipit ille dapes, comeditq; uidentibus ipsis:
 Tum demum firmata magis præcordia credunt.
 Hinc ubi pulsa fames, iterum sic coepit ad illos:
 Hæc ea sunt, uobis quæ sæpius antè loquebar,
 Viuere uobiscum dum me meâ fata sinebant:
 Si non uecordes animi, meminisse potestis,
 Omnia sic factis impleri rebus oportet,
 Quæ digito Moyfi de me conscripta fuerunt,
 Quæq; Deo pleni quondam cecinere Propheta,
 Et Iessea sacro sonuerunt carmina plectro.
 Iamq; patefaciens scripturæ sensa latentis
 Erudijt socios, lumenq; infudit eorum
 Mentibus, ut uero possent comprehendere sensu
 Præscia dicta Patrum, tum sic ait orsus ad illos:
 Pro dita sic scriptis prædictaq; cuncta fuerunt,
 In me Discipuli, quæ iam perfectâ uidetis.
 Sic Christum decuitq; pati, mortemq; subire,
 Rursus & in uitam terna post luce reuerti,
 Victorem tristisq; Erebi, mortisq; nefandæ:
 Vnde sub illius doceatur nomine passim
 Vera salus, uestræ per cognita crimina culpe
 Cuncta remittuntur quæ confidentibus illi.
 Istaq; uulganda est gentes Doctrina per omnes,

Quæ

Quæ

DOMINICALIA.

*Quæ Solyma incipiens totum prodibit in Orbem,
Vestraq; uox socij fines exhibit in omnes.*

DOMINICA QVASI MODO GENITI.
EVANGELIVM IOANNIS XX.

ARGVMENTVM.

*Discipulis clausis foribus se ostendit Iesus,
Antè negat uerum, quàm uidet, esse Thomas.*



Sabbata lux sero se uespere præcipitarat,
Clarus & Eoa surgebat Lucifer unda,
Cùm foribus clausis animo trepidante sederent
Discipuli casum Domini mortemq; gementes,
Gentis & ingratae furias iramq; timentes.
Ecce uenit Christus medioq; ingressus eorum
Constitit, & pacem socijs de more precatur.
Inde manus monstrans & saucia pectora ferro
Se iubet agnosci, reducemq; à funere credi.

F Discipuli